



а к а ф и с т

ПРЕПОДОБНОЙ
ЕУФРОСИНИИ

ВЕЛИКОЙ КНЯГИНИ МОСКОВСКОЙ

с кратким житием



акафист

**ПРЕПОДОБНОЙ
ЕВФРОСИНИИ
ВЕЛИКОЙ КНЯГИНЕ
МОСКОВСКОЙ**



**ИЗДАТЕЛЬСКИЙ ЦЕНТР ХРАМА
ПРЕПОДОБНОЙ ЕВФРОСИНИИ
ВЕЛИКОЙ КНЯГИНИ МОСКОВСКОЙ**

Москва 2014

Тропарь, глас 8

По земнем вдовстве Небесному Жениху себе уневестивши и в княжестем чертозе подвижнически поживши, послежде и чертог, и чад твоих Бога ради оставила еси, преподобная Евфросиние, и, вшедши во обитель, тобою созданную, во иноческом образе многи подвиги показала еси, и святое житие по благодати Божией блаженною кончиною увенчала еси. И ныне, предстоиши Христу Богу, моли спастися душам нашим.

Кондак, глас 2

Вся красная мира сего, яко суетная призревши, и тело твое постом и бдением изнуливши, непрестанными молитвами Богу угодила еси, преподобная Евфросиния, и, дар исцелений от Него прияти сподобльшися, слепому прозрение и многим недужным исцеление даровала еси. Темже радостно взываем, глаголюще: слава Богу, прославляющему святых Своя.

Акафист преподобной Евфросинии, Великой княгине Московской

Кондак 1

Избранной от рода державнаго угоднице Христовой Евфросинии, яко крепкой заступнице и молитвеннице нашей, похвальная восписуем ти, чтущие тя. Ты же, яко имущая дерзновение ко Господу, Того моли избавитися нам бед и скорбей, и в будущем веке небесное улучшить царствие, да зовем ти: Радуйся, преподобная княгине Евфросиние.

Икос 1

Ангельское воистину безстрастие еще на земли стяжала еси, преподобная, ни во что же вменяючи княжения славу, богатств обилие, вся мира красная, о юности и тела красоте нерадивши, непрестанными же к Богу молитвами, бдением и постом плоть изнуривши и душу добродетельми украсивши. Сицевому равноангельному житию твоему удивляющися, сия вопием ти, преподобная:

Радуйся, от молодых лет спасения взыскавшая.

Радуйся в молитвах к Богу прилежавшая.

Радуйся, в напастех на Него единого упование полагавшая.

Радуйся, в сани княжеством смирение сохранившая.

Радуйся, во власти державней кротость ко всем соблюдавшая.

Радуйся, к нищим милосердие неоскудное показавшая.

Радуйся, в чертозе княжеством иночески пожившая.

Радуйся, в неговании двора царского постническое житие явившая.

Радуйся, преподобная княгине Евфросиние.

Кондак 2

Видящи преподобная в доме отчем заповедей Божиих усердное хранение и в благочестии преспеяние, от юности навыче о спасении душевнем паче всего ревновати, и в теплых к Богу молитвах Ему воспевати: Аллилуия.

Икос 2

Разум во благочестии утверждена имущи преподобная, неземныя радости в супружестве взыскаше, но паче всего супругу в добродетелех подражаше и того к делом добрым подвизаше, со тщанием к почести вышняго звания течаше. Сицевое житие

преподобныя похваляюще, возопиим к ней
таковая:

Радуйся, Бога паче всех возлюбльшая.

Радуйся, в жизни славней ноши в молитвах
пребывати не оставльшая.

Радуйся, во обилии благ земных постниче-
ской жизни навывьшая.

Радуйся, в мирстей жизни чистоту сердца
сохраншая.

Радуйся, супружеств христианских удобре-
ние.

Радуйся, жен благочестивых украшение.

Радуйся, во обилии благ живущим благочес-
тия образ подавшая.

Радуйся, во славе сущим христианскаго жи-
тия правило показавшая.

Радуйся, преподобная княгине Евфросиние.

Кондак 3

Сила Вышняго присно невредиму тя со-
храняше, преподобная, егда смертонос-
ная язва многи окрест тебе погубляше, и мно-
гажды в нахождениих врагов безбожных со-
блюдаше тя от меча их и пленения. Тем же,
Бога благодарящи, вопияла еси: Аллилуия.

Икос 3

Имущи сердце милостивое и к людем
страждущим удобь преклонное, во всех
града и княжения напастех, в запалениих ог-

ненных, в находениях и губительствах вражиих, первее к Богу обыкла еси, преподобная, с молитвою теплою прибегати, и к той вся люди подвизати. Темже, почитающе твое теплое к Богу о людех ходатайство и скорую бедствующим помощь, вопием ти сицевая:

Радуйся, гнев Божий молитвами твоими уголявшая.

Радуйся, в бедах и напастех помощь Божию обретавшая.

Радуйся, крова лишенным пристанище уговорявшая.

Радуйся, от врагов разоренным снабдение подававшая.

Радуйся, состраданием скорби бедствующих уголявшая.

Радуйся, милосердием нищету обнищавших отгонявшая.

Радуйся, душу ко всем милосерду имевшая.

Радуйся, во мнозех благотворениях любовь к людям показавшая.

Радуйся, преподобная княгине Евфросиние.

Кондак 4

Буря скорбных помышлений обдержаше ты, преподобная, егда юный князь, блага ради людей своих, волею поиде в жилище ярящихся злонравных агарян, яко овча в ложа дивиих зверей, и паки егда сын твой два лета преживе в пленении у безбожных врагов. Ты

же, скорби сердца твоего пред Господом единым в молитвах теплых изливаючи, Ему непрестанно взывала еси: Аллилуия.

Икос 4

Слышавше иногда безбожнии агаряне твое, преподобная, из царствующаго града удаление, гнаша вслед тебе, в плен яти тя хотяще. Ты же, Богом сохраняема, избегла еси рук вражиих, и Бога благодаряши, многи храмы и обители иноческия воздвигла еси. Темже, ведуще твою теплую к Богу любовь, вопием ти сицевая:

Радуйся, непрестанными молитвенными хвалении Бога прославлявшая.

Радуйся, в непрестанную жертву благодарения Ему храмы многи создавшая.

Радуйся, приметатися во дворех Божиих возлюбившая.

Радуйся, в мирстей жизни высоту иноческаго жития познавшая.

Радуйся, во славе светлаго княжения суету мирскаго жития уразумевшая.

Радуйся, мира суету уразумевшим, пристанище тихое во обителех уготовавшая.

Радуйся, спасения душевнаго присно желавшая.

Радуйся, спастися хотящих к жизни иноческой призывавшая.

Радуйся, преподобная княгине Евфросиние.

Кондак 5

Боготечная звезда явилася еси преподобная, в житии твоём, егда супружеских уз отрешившись, всецело Господу себе предала еси, постом и молитвами работаючи Ему день и ночь и непрестанно вопиючи Ему: Аллилуия.

Икос 5

Видящи, преподобная, себе по смерти мужа сиротствующу, возжела на служение единому Богу себе предати, обаче, воспитания ради чад, до времени в чертозех княжеских жити и о делех земных попечение имети понуждаема, умысли втайне Богу работати, зельным пощением тело юное изнуряючи, людем же в светлых ризах и красну лицом себе являючи. Тоя единому Богу ведомыя подвиги почитающе, возопиим к ней таковая:

Радуйся, в тайне Богу послужившая.

Радуйся, сокровенно от людей Тому угодившая.

Радуйся, Давидски в полунощи на молитву востававшая.

Радуйся, во дни бодрственно дела земная совершавшая.

Радуйся, псаломски утро в молениях предварявшая.

Радуйся, до нощи во обычных о чадех и людех попечениях пребывавшая.

Радуйся, яко пред Богом псаломски во вретичи и стенании душу твою смирила еси.

Радуйся, яко пред людьми евангельски во умощении главы и в светлости лица и одеяния себе являла еси.

Радуйся, преподобная княгине Евфросиние.

Кондак 6

Проповеднику премудрому согласующися, глаголала еси, преподобная, в сердце твоём: всяческая в мире суета сует. Темже тихое от суеты убежище — обитель святую сию создала еси, еже бы в ней мира удалившись, в мире и безмолвии пети Богу: Аллилуия.

Икос 6

Возсия в сердце твоём, преподобная, светлая благодати луча, тайными молитвами и подвигами возжигаемая, еяже сияния не терпя древний враг, восхоте возмутити душу твою, наустив лукавья люди хулы глаголати о житии твоём. Ты же клеветы слышащи, духом пребывала еси в Бозе утверждена и помыслом не смущенна. Темже вопием ти, преподобная:

Радуйся, неправедное поношение без гнева терпевшая.

Радуйся, злокозненное хуление несмущенно понесшая.

Радуйся, за ревность о чистоте сердца, в нечистоте жития оклеветаемая.

Радуйся, за зельное тела умерщвление, в житии сластопитанном укоряемая.

Радуйся, от Бога единого похвалы на суде Его желавшая.

Радуйся, славы токмо на небесех искавшая.

Радуйся, твердое терпение во озлоблении соблюдающая.

Радуйся, смирением козни вражия расторгшая.

Радуйся, преподобная княгине Евфросиние.

Кондак 7

Хотяй Господь тайныя твоя в добродетелех подвиги ведомы людем соделати, попусти диаволу бурю воздвигнути на тя поношений и оклеветаний, да известно уведевше святое твое житие, прославят вси Бога, дивнаго в тайных рабех Своих, присно вопиюще Ему: Аллилуия.

Икос 7

Новую показа добродетели высоту преподобная Евфросиния, егда, видяши чад своих злыми о ней клеветами смущаемых, призва я тайно и часть одежд пред ними откры, яко видети бе мощно тело ея, от поста и зельных подвигов изсохшее и очернелое, и плоть костем прильпнувшу; и тако смущение

от сердец их отгнавши, никомуже поведати виденное повеле. Таковой преподобныя добродетели дивящися, возопиим к ней сицевая:

Радуйся, во глубине смирения подвиги твоя от всех скрывавшая.

Радуйся, в широте любве чадом твоим оныя явившая.

Радуйся, очищения ради своя души, поношение безчестия терпеливо понесшая.

Радуйся, избавления ради чад своих от греха осуждения, чистоту жития своего показавшая.

Радуйся, обиды от людей Судии Богу предавшая.

Радуйся, худыя помыслы чад своих во благо исправившая.

Радуйся, во уверение истины подвиги твоя им открывшая.

Радуйся, во избежание славы, уста их молчанием заградившая.

Радуйся, преподобная княгине Евфросиние.

Кондак 8

Странное видение плоти твоя, яко уже умершия, зряще сынове твои и жестокое твое житие уразумевше, страхом одержими, Богу укрепившему тя в подвизах, вопияху прилежно: Аллилуйя.

Икос 8

Бесь сонм злословящих людей хотяху чада твоя наказати, егда уведаша твоего жития чистоту и уразумеша велию злобу поношающих тя; ты же яко незлобивая, никакоже попустила еси отмстити обидяшым, от Бога единого чаючи оправдания своего. Темже вопием ти, преподобная:

Радуйся, сердцем кроткая. Радуйся, духом незлобивая.

Радуйся, ко обидам терпеливая. Радуйся, ко обидяшим негневливая.

Радуйся, в терпении обид Христу Богу подобящаяся.

Радуйся, от Бога единого своего оправдания ожидавшая.

Радуйся, поношение терпением победившая.

Радуйся, ко обидящим любовь сохранившая.

Радуйся, преподобная княгине Евфросиние.

Кондак 9

Бсе естество Ангельское возвеселися, егда Архистратиг Небесных Сил, предстояй Престолу Божию, послан бысть к тебе, преподобная, ко исходу душу твою уготовати, и Богу, сице благоизволившему, вопияху: Аллилуия.

Икос 9

Ретии многовещанная не возмогут по достоянию восхвалити твое ангельское бесстрашие и чистоту ока душевнаго, яко, во плоти сущи, от Архистратига Божия посещения сподобилася еси и от него извещение о исходе из сего временнаго жития прияла еси. Мы же, таковую тебе от Бога данную благодать чтуще, вопием ти, преподобная:

Радуйся, бесстрашием Ангелом соревновавшая.

Радуйся, Архангельского посещения сподобльшаяся.

Радуйся, сиянием Ангельскаго света осиянная.

Радуйся, благоуханием святыни от Архангела облагоуханная.

Радуйся, о изшествии из мира от Господа предызвещенная.

Радуйся, явлением Ангельским от всего земнаго отрешенная.

Радуйся, яко Архистратиг Божий явлением своим князя воздушных мытарств от тебе далече отгна.

Радуйся, яко своим благодатным посещением победу на диавола тебе дарова.

Радуйся, преподобная княгине Евфросиние.

Кондак 10

Гпасти хотящи душу твою, преподобная, егда от Ангела весть о скором от жития сего исходе прияла еси, внити в созданную тобою обитель ускорила еси, да тамо в безмолвии работаючи Богу, воспеваеши Ему: Аллилуия.

Икос 10

Гтена еси твердая и ограждение неодолимое обители, тобою созданней, преподобная, еже и яви Господь, еще грядущей тебе во обитель: многи бо на пути недужныя исцелила еси и во обитель вошла еси не яко новоначальная, но яко славная чудотворица. Темже, прославляюще тя, вопием ти, преподобная:

Радуйся, явлением твоим слепцу исцеление обещавшая.

Радуйся, прикосновением ризы зрение тому подавшая.

Радуйся, болящих в житии твоём нужным снабдевавшая.

Радуйся, тридесяти недужным при вхождении во обитель исцеление даровавшая.

Радуйся, во обитель шедшая по смирению, яко новоначальная.

Радуйся, в тую вшедшая по благодати Божией, яко чудотворица прехвальная.

Радуйся, благодать Божию с собою во обитель вводящая.

Радуйся, вхождением своим украшение святолепное ей преподавшая.

Радуйся, преподобная княгине Евфросиние.

Кондак 11

Пение всеумиленное принесла еси, преподобная, благодарственная восписующи Господу, сподобльшему тя иноческое пострижение прияти, к Нему же во всем житии душу твою предуготовляла еси, да мира сего отлучившись и ничимже земным смущаема, вопиеши Богу: Аллилуия.

Икос 11

Светозарная свеща иночествующим показася житие твое во обители, преподобная: аще бо и не многи дни во иночестве пожила еси, обаче всякия иноческия добродетели образ преизящный в себе явила еси. Темже, восхваляюще тя, сицевая вопием ти, преподобная:

Радуйся, вольнаго мира оставления преизящная наставнице.

Радуйся, правило усерднаго за вся люди моления.

Радуйся, совершенного своея воли отсечения премудрое наставление.

Радуйся, душевныя и телесныя чистоты светило изрядное.

Радуйся, умерщвления плоти образе презыщный.

Радуйся, мирнаго купножития наставнице.

Радуйся, умныя к Богу молитвы образе.

Радуйся, святаго на земли жития зеркало.

Радуйся, преподобная княгине Евфросиние.

Кондак 12

Благодати исполнена и благих дел, яко добре течение земное совершившая, в мире преставилася еси от земных к небесным, идеже веселящися предстоиши Господу и вопиеши Ему: Аллилуия.

Икос 12

Поюще твоя многообразная людем благодеяния, восхваляем тя вси, преподобная мати Евфросиние, независтно подающую исцеления с верою к тебе прибегающим и вопиющим ти:

Радуйся, яко на небесех ныне пред Господом предстоиши.

Радуйся, яко о людех пред Богом выну предстательствуеши.

Радуйся, града твоего крепкое ограждение.

Радуйся, обители твоя незыблемое утверждение.

Радуйся, о благом преспеянии иночествующих тепле молящаяся.

Радуйся, о утверждении добре живущих в мире Бога просящая.

Радуйся, чтущих память твою пред Богом поминающая.

Радуйся, о прославляющих тя Бога молящая.

Радуйся, преподобная княгине Евфросиние.

Кондак 13

О прехвальная угоднице Божия, преподобная княгине Евфросиние! Приими смиренное сие хваление наше и твоим теплым предстательством у Царя Славы испроси нам в немощех исцеление, в добродетелех преспеяние, от врагов видимых и невидимых избавление, от вечных муки освобождение и царства небеснаго наследие, да с тобою присно поем Богу: Аллилуия.

Этот кондак читается трижды. Затем читается 1-ый икос: «Ангельское воистину...» и 1-ый кондак: «Избранной от рода державного...»

Молитва преподобной Евфросинии, Великой княгине Московской

О преподобная княгиня Евфросиния. Добляя в женах подвижнице, прехвальная угоднице Христова! Прими моление о нас, недостойных, с верою и любовью к тебе припадающих, и теплым к Богу ходатайством испроси граду Москве и людям от бед и напастей сохранение, споспешествуй, яко чадолубивая мати, чадом, тобою собранным, понести иго Христово во благодушии и терпении и добре подвизатися ко исправлению жития своего, еже ко спасению; в мире благочестно живущим испроси у Господа в вере твердость, во благочестии преспеяние и всем, с верою прибегающим к тебе и твоя просящим помощи и заступления, подавай всегда недугов исцеление, в скорбех утешение и во всем житии благопоспешение, наипаче же умоли Господа в мире и покаянии земное житие преити нам, мытарств горьких и мук вечных избавитися и Царство Небесное твоим ходатайством получитьи. Идеже ты со всеми святыми Господу предстоиши, да всегда славим Отца и Сына и Святаго Духа, ныне и присно и в бесконечныя веки веков. Аминь.

Житие

Благоверная Великая княгиня Московская Евдокия (во иночестве Евфросиния) была дочерью Великого князя Суздальского Димитрия Константиновича, который долго оспаривал старейшинство престола у юного князя Московского Димитрия, и наконец, уступив его силе, выдал за него свою дочь, и из соперника сделался верным союзником.

Богато одаренная натура княжны была прекрасна, но ее мудрость и благочестие еще более превосходили временную красоту. В 1367 году она стала супругой Великого князя Димитрия Иоанновича, прозванного Донским, и 22 года провела с ним в счастливом браке, которому «земля Русская была рада». Союз этот был залогом прекращения междоусобной борьбы двух сильных княжеств. Молодой Димитрий отличался многими добродетелями: не любил празднословия, не терпел срамных слов, уклонялся худых людей, а с добрыми любил беседовать, с благоговением слушал Священное Писание, заботился о храмах, мужественно стоял на страже границ; «злобою был дитя, а умом полный муж», - как говорит о нем древнее повествование. Княжна была супругой нежной, кроткой и набожной. Оба «жили в браке чисто, не предавались стремлениям чувственности и внимательны были к своему спасению».

Было кому поддерживать такие их расположения: святитель Алексей был отцом и хранителем этого союза, святой Феодор, игумен Симоновский и племянник преподобного Сергия был их духовником. Княгиня воспитывала детей в страхе Божиим. Восприемником одного из сыновей был преподобный Сергий. Молитвой и любовью охраняла княгиня своего супруга в борьбе с различными скорбями, вместе с ним молилась в храме архистратига Михаила перед битвой с полчищами Мамай. В продол-

жение всего похода она раздавала много милостыни бедным, постоянно ходила в церковь. Христианские надежды не остались посрамленными: в Рождество Владычицы нашей Богородицы 8 (21) сентября 1380 года князь Дмитрий одержал такую победу над татарами, после которой уже не Русь боялась орды. Княгиня встречала супруга у спасских ворот, и вся Москва чествовала своих защитников.

Благочестивый князь увековечил память Куликовой битвы установлением поминальной субботы, называемой Дмитриевской. Великая княгиня положила при первой же возможности запечатлеть благодарность свою Богоматери за покровительство в тяжелейшей битве русских.

Но «была радость на Руси, а была и жалость – оскудела земля воеводами и войском». Истощение страны доставило татарам легкий временный успех. Спустя два года, усилившийся поражением Мамай, Тахтамыш подошел к Москве с огромным войском. Дмитрий уехал в Кострому собирать полки, а князя Рязанский, Суздальский и Тверской спешили искать милости у Тахтамыша, в Кремле начались волнения и споры: одни стояли за сражение и отпор, другие – готовились грабить или по малодушию, бежать. Великую княгиню едва выпустили, и она, чуть было не захваченная татарами, добралась до Костромы через Ростов. Татары ворвались в Кремль, перебили народ, запалили огонь и рассыпались для разбоя по окрестным городам, но, как только услышали, что великий князь ведет полки, поспешили убраться из русских пределов. Много слез пролили князь и княгиня, возвратясь в опустошенную Москву, где на средства князя было похоронено до 24 тысяч человек.

В пору тяжелых испытаний княгиня более чем прежде, обратила свои помыслы к Богу. В 1083 году ее старший сын Василий был задержан в Орде, и в том же году скончался ее отец. В это время она «внутри царствующего града Москвы пречестную девическую обитель воздвиже, во имя Вознесения Христа Бога нашего», – написано в «Прологе». В 1389 году благоверную княгиню посетила

самая тяжкая скорбь: князю Димитрию было 39 лет, но он так занемог, что приготовил духовное завещание. Княгиня только что родила шестого сына, и Димитрий просит ее быть отцом и матерью детям, наставлять и укреплять в благочестии. В его последнем слове видно, какие надежды возлагал он на ее ум и добродетели. Сыновьям же, наделив их уделами, завещал во всем слушаться матери, с ее правом безотчетной власти распоряжаться в особых случаях уделами. Выделив ей и собственные земли, которые она вольна была отдать кому-либо из сыновей или на поминование его души. Летопись сохранила слова горького ее плача над гробом...

Свято исполняя волю почившего, Евдокия не удалась в монастырский затвор, по обычаю вдов-княгинь, а возглавила семью. Предпоследний сын ее Иван скоро умер, но остались, кроме Василия, великого князя, – Юрий, Андрей, Петр и младенец Константин. В память дорогого супруга построила она на своем дворе каменный храм в честь Рождества Богоматери и украсила его лучшими иконами, утварью, книгами. Он был освящен 11 февраля 1393 года в присутствии всей семьи святителем Киприаном. Через два года Рождественский храм был расписан лучшими иконописцами – Феофаном Греком и Симоном Черным. По просьбе благочестивой княгини положено было победу на Куликовом поле праздновать в Москве 8 (21) сентября с особой торжественностью. Княгиня щедро расточала свои средства на украшение и восстановление разрушенных Тахтамышем святынь. На ее иждивение построен был Горицкий монастырь в Переяславле.

В 1393 году Тамерлан готов был сделать с Москвой то же, что сделал Тахтамыш. Общий ужас не мог не потревожить и княгини-матери, и она изливала молитвы свои к Богородице, которая спасла град. Когда враг дошел до Ельца, по совету княгини и святителя Киприана, из Владимира перенесена была чудотворная икона Владимирской Божией Матери. Тимур устранился Ее видением в багряных одеждах на высокой горе, в окружении множе-

ства грозных воинов. Орды Тамерлана отступили, и юный князь, дерзнувший выступить против страшного врага, возвратился со славой.

Между тем христоролюбивая княгиня не переставала прилагать новые труды к прежним, множа добродетели, которыми можно угодить Богу: питала нищих, творила милостыню бедным пустыням, в том числе и Кириллу Белозерскому, хранила строгий пост и воздержание. Но перед людьми она не меняла женского обличия и внешнего благолепия: носила богатые одежды, лицо ее было всегда приветливо, светилось радостью. Враг из зависти возбудил подозрение в нескольких безрассудных людях против целомудрия непорочной вдовы. Худая молва, дошедшая до детей, оскорбляла их, и Юрий Димитриевич не смог скрыть своего чувства от матери. Движимая любовью к детям, мать нарушила тайну своих подвигов. Она созвала их и обнажила иссохшую, изможденную плоть, нарочно скрытую многими одеждами, запретив при этом сыновьям говорить о виденном, а тем более мстить клеветникам, предоставив все Божиему суду.

Вскоре было ей утешительное явление: сам Господь послал к ней Ангела Своего возвестить о близкой кончине. После этого она перестала говорить, но знаками дала понять, чтоб написали ей лик ангела. Два исполненных лика княгиня отклонила; когда же ей подали образ Михаила Архангела, обрадовалась и обрела дар речи, сказав, что архистратиг явился ей точно в таком виде. Икону эту она велела поставить в домово́й церкви Рождества Богородицы.

Благодарная княгиня не хотела уже долее оставаться в палатах княжеских, но пожелала провести остаток дней в созданной ею Вознесенской обители. С плачем провожали ее дети и бояре из соборной церкви. Во время торжественного шествия, сидевший на пути слепец громко возопил: «О, боголюбивая княгиня, питательница нас нищих, ты обещала мне во сне – завтра дам тебе зрение, – исполни же твое обещание». Княгиня, проходя мимо него, как бы случайно опустила рукав рубашки, и слепец,

отерев им глаза, прозрел. До тридцати болящих исцелились во время шествия Евдокии в обитель на пострижение. Она приняла легкое иго Христово, облекшись в иноческий образ, с именем Евфросиния, подвизаясь еще некоторое время в обители, где ее радением был построен каменный храм, и мирно почила 7 (20) июля 1407 года.

Святые мощи ее были положены в новом храме. Господь послал множество исцелений, исполнив всякими благами княгинину обитель. Неоднократно возгоралась сама собой свеча над ее гробом, как и над гробом благоверного ее супруга, знаменуя тем небесный свет, которого она удостоилась за светлые подвиги временного своего царствия.

В Вознесенской обители с давних пор совершались по рукописным книгам служба и акафист святой Евфросинии. Игуменья этого монастыря Сергия дважды представляла рукопись в Московский цензурный комитет, и, наконец, в 1881 году она была разрешена к напечатанию.

Память святой благоверной княгини Церковь отмечает 17 (30) мая и 7 (20) июля.

